

**DE APOSTOLICA
BEATI PETRI
CATHEDRA ORATIO
HABITA IN BASILICA
VATICANA ... A...**

Giovanni Carlo Boschi, Valenti
Gonzaga

THE UNIVERSITY OF CHICAGO

LIBRARY

CHICAGO, ILL.

1900

1900

1900

1900

1900

1900

1900

1900

1900

(III)

Sanctissimo Domino Nostro

D. CLEMENTI XII.

PONTIFICI MAXIMO

JOHANNES CAROLUS BOSCHI

FELICITATEM.



*UOD suo Gregi ex omnibus
Nationibus collecto Ser-
uator noster unum esse voluit caput, Aposto-
lum Petrum; quod Ecclesiam Romanam
ejusdem prædicatione constitutam, sudoribus
altam, dedit in lucem gentium, in veritatis*

A 2

ma-

magistram; immortales Divinae illius Sapientiae gratias agit Ecclesia. Sed non minore grati animi affectu prosequendum videtur providentissimum Dei consilium, quo Romanis Pontificibus non solum Divinae auctoritatis vices, atque Apostolicae sollicitudinis curas demandavit, sed amplam etiam atque uberem ditionem in illustriori Orbis parte disposuit, ornavit, regendam dedit. Ex hoc enim sicut illud confectum est, ut Populorum imperium iis concederetur, quos Ecclesiasticorum munerum functio probitatis, innocentiae, sanctimonicae disciplina imbuisset; ita ea ad universum Fidelium cætum utilitas venit, ut ad Ecclesiae regimen ii potissimum admoventur, quos publicarum rerum graviorumque negotiorum agitatio atque administratio, ceterarum virtutum, quibus humana societas continetur, accessione locupletasset: Proindeque Sacerdotes sanctissimi, iidemque optimi Principes, omni genere laudis praestantes, in beatissima Petri Sede, magno totius Ecclesiae, ac Populorum bono collocarentur. Quod cum in pluribus ex Praedecessoribus tuis, BEATISSIME PATER, compertum mani-

nifestumque fuit, tum vero in Sanctitate
Tua diebus istis cumulatissime impletum esse,
decennali experimento (quod in longissimum
tempus produci exoptat) jam secura Sponsa
Christi letatur, Urbs æterna, ac felices Te
Principe Provinciæ sibi gratulantur. Hujus
autem communis letitiæ sensus maximam
partem in me uno excitantur, dum Oratio-
nem a me habitam DE APOSTOLICA PETRI CA-
THEDRA Sanctitati Tuæ oblaturum in tuum me
conspæctum dare mihi conceditur; quæque de
tuis summis laudibus Christiani Orbis voce
prædicantur, ea coram intueri, ac præsen-
tem venerari permittitur. Quamvis enim
incredibilis tua erga omnes humanitas faci-
lem semper petentibus ad te aditum, commu-
nemque hanc conspæctus Tui felicitatem præ-
stiterit; nemo tamen erit qui putet, benefi-
cii collati æstimationem in accipientium ani-
mo elevari propter concedentis facilitatem.
Quin immo hoc inde Sanctitas Tua adepta
est, ut quibuscumque ad te accedere licuit,
omnes faterentur, ad ceteras tuas Sacerdo-
tales ac Regias virtutes maximum ex lenita-
te, clementia, comitate cumulum accessisse.

(VI)


*Recreat hoc animum meum tenuitate mun-
ris ad Te allati non injuste erubescens; ac
spem facit obtinendæ Apostolicæ Benedictio-
nis, pro qua, Sanctitatis Tuæ pedibus pro-
volutus, benignitatem Tuam supplex im-
ploro.*

ORA-

(VII)



O R A T I O .



UA olim eloquentiæ vi
 Sanctissimus Leo Pon-
 tificex in hac eadem Ba-
 silica Populo Romano
 suadebat, natalem diem
 beati Petri Apostoli to-
 to Terrarum Orbe cele-
 bratum, peculiari qua-
 dam hujus Urbis exultatione venerandum
 esse; eam mihi nunc suppeterè optarem,
 BEATISSIME PATER, ut hodiernam ejusdem
 BEATI PETRI CATHEDRÆ sollemnitatem, quæ
 unius Romæ propria videtur, summo totius
 Ecclesiæ studio celebrandam ostenderem.
 Neque enim Romanam Urbem majori læti-
 tia perfundi oportet ob singularem honorem
 a Chri-

*S. Leo Ser. 1.
 in Natal. a-
 post.*

a Christo Domino ipsi delatum, quum in
ejus sinu Petri Sedem, Ecclesiarum magi-
stram & matrem, collocavit; ac univasas
per Orbem Ecclesias gaudere decet; ob eam
positam in Romanæ Sedis constitutione fir-
missimam petram, supra quam Divina Sa-
pientia domum suam, ad quam gentes om-
nes congregarentur, ædificavit: ut illius so-
lilitati superstructa, ventos omnes, ac tem-
pestates, quotquot ab Inferi portis emitte-
rentur, secunda despiceret.

Erat in Civitate Hierusalem Sanctuarium
Dei, ubi asservabatur Arca fœderis, ibique
Oraculum, quod omnis Israel per Pontifi-
cem Maximum consulebat; planeque Popu-
lo persuasum erat, de omni, in quodcumque
adduceretur, discrimine, se responsa *sapien-
tiæ & veritatis* plena a Deo sedente super Che-
rubim relaturum. Habet itidem Ecclesia
Christi in Cathedra Petri Oraculum Spiritus
Sancti, veteri illi undequaue simillimum;
ut pote cujus fides testimonio nititur æterni
Verbi in carne loquentis ad Petrum, sicuti
de illo Deus ad Moysen de nube loquutus
est. Ut enim Divinus noster Legumlator
ostenderet qua ratione Ecclesiam suam fir-
mius consistere, ac sapientius regi voluerit,
quo tempore Apostolis suis denuntiavit qui-
bus

Matth. VII.

Matth. XVI.

III. Reg. 8.

Exod. XXV.

22. XXVIII.

30.

Conc. Con-

st. Sinop. III.

43. VIII.

bus insidiis cribrandi velut triticum a Satana petebantur, statim etiam Apostolum Petrum iis demonstravit, in quo periculorum omnium perfugium habituri essent; cuius nimirum fidem ipse Dei Filius precibus suis omnia exorantibus assertam confirmatamque declaravit. Quem autem principem locum inter primos Discipulos illos a se delectos, donisque omnibus cumulos, Petrum unum ex cunctis ad nascentis Ecclesiæ securitatem tenere voluit; in eundem, pro sua erga Fideles sequentium ætatum providentia, succedere iussit Romanos Pontifices in Apostolatū Petri ex ordine subrogandos; quos sicuti officium *confirmandi fratres* consequitur, ita nunquam deficientis fidei promissionem complecti necesse est.

Luc. xxii.

S. Simplic.
epist. 4. ad
Zenon.

Quod suo maximo fructu commodoque institutum perspicuens Ecclesia Dei, a sui exordio ad hanc nostram ætatem, si quæ ab exteris hostibus clades ingruerent, aut a falsis fratribus turbæ miscerentur, *Romanam* potissimum *Arcem*, veluti firmissimum communibus fortunis præsidium, aspexit; Romanum Episcopum in Cathedra Petri sedentem appellavit, eumque non tam suo, quam ipsius Petri nomine, finitivas dicentem sententias audire consuevit. Quæ autem ab Episco-

S. Cyrill. A-
lexan. epist.
ad Calést.
S. Flavian.
epist. ad. S.
Leon.

Conc. Chalcedon. Act. ii.
S. Petri. Chri-
stolog. epist. ad
Eutych.

fco-

*Ferrid. Car-
mag. epist. ad
Pelag. & A-
natol.*

*Conc. Sardi-
cen.*

*Tertull. libr.
de Præscript.
cap. 21.
S. Hieronym.
epist. 57. &
S. ad Damasc.*

*S. Cyprian.
epist. 47.*

Psalm. 121.

scopis sanctis in legitimis eorum conventibus definita essent, non ante tenenda, ac pro certis amplectenda esse censuit, quam *ad beati Petri memoriam perducta*, *ibique examinata*, atque Apostolica comprobatione *firmata* fuissent. Sed & iidem Ecclesiæ Pastores si quas controversias judiciis suis versatas tuto conficere posse dubitarunt, *honoremus*, dixere, *beati Petri memoriam*, easque ad Romani Pontificis disceptationem potestatemque detulere. Hoc ipsum providi Salvatoris beneficium singuli agnoverunt Ecclesiæ Patres, quotiescumque in ea tempora inciderunt, quibus Ecclesia in contrarias partes distracta, incertum videri poterat quibus sese potissimum adjungerent; quum nimirum unam, eamque tutam rectæ fidei tesseram statuerunt, Romani Episcopi communionem; quam qui tenerent, eos demum orthodoxos fidenter prædicari posse judicaverunt.

Gaudeat igitur hodierna celebritate, universa per Orbem terrarum Ecclesia, quæ in Romana beati Petri Sede *domicilium* habet *unitatis ac veritatis*: Centrum nimirum ac vinculum illius unitatis, in qua veros *fratres suos ac proximos suos* Catholicus quisque agnoscere possit; & *domum* a Domino Deo electam,

etiam, in qua requiesceret Spiritus veritatis; quem potiori jure, quam de vetere olim Sion, dicentem audire videor: *Hæc requies mea in seculum seculi, hic habitabo, quoniam elegi eam.* *Psalms. 131.*



FINIS.



